

1595-6. ԹՎ. ՌԻՄԳ. Թուրքի խոնարհարն սուլթան Մուրատ մեռաւ. և փոխանակ նորա նստաւ ի Թագաւորութիւն որդին իւր սուլթան Մահմատ. 21 ամ Թագաւորեաց Մուրատն:

1595-6. ԹՎ. ՌԻՄԳ. ՉՕլախի պարոն զՀարոն՝ հանին ի պարոնութենէ, և կապանօք տարան ի Մահարք:

1595. ԹՎ. ՌԻՄԳ. Յունիսի Ա. Բարեպաշտ Թագաւորին մերոյ Չիկմունդին որդի ծնաւ, և մեծ ուրախութիւն եղև այս Իլախաց աշխարհն, վասն որոյ մեծ ուրախութիւն և ցնծութիւն և անբաւ խնդութիւն կատարեցին:

1595-6. ԹՎ. ՌԻՄԳ. Կամենից քաղաքս նոր եպիսկոպոս եկաւ, անուն՝ ԳԺօնց Բաւէլ Վարդաբէկ:

1595-6. ԹՎ. ՌԻՄԳ. Ի յայսմ ամի Խաղախ մտան Թուրքի յաշխարհ. մեծ և բազում ֆլեաս գործեցին. զմարդիկն ի սուր մաշեցին, զերկրի բարութիւն՝ զարկաւ և զոչխար և զամենայն ինչ աւար առին. և էր գլխաւորք նոցա Լօպօտայ և Նալիվայքո. զոր յետոյ Նալիվայքո ի Մահարք փախաւ Խաղախներով իւրով:

1595-6. ԹՎ. ՌԻՄԳ. Ի յայսմ ամի Թագաւորն մեր Չիկմունդ հեծել զրկեց ոչ բազում ինչ՝ այլ իբրեւ հինգ վեց հազար, և էր գլխաւոր զօրաց քանցլէր Բան Չամոյսքի. զոր եկեալ մտան ի Օլախաց երկիր, և հասին մինչեւ ի Ասն. և էր անդ ոմն գոռոզ Բըզվան անուն իշխան երկրին Օլախաց, փոխանակ Հարոն պարոնին. իբրեւ լուաւ զգալուստն քանցլերին և զօրաց իւրոց, վաղվաղակի փախստական գնաց ի Մահարք. և քանցլէրն էառ զերկիրն ընդ ձեռամբ իւրով, և նստաւ երեք ամիս ի Յոցորան (զիւղ ի վերայ Բրութ գետոյ). և կացոյց զոմն Երեմիայ անուն ի պարոնութիւն երկրին վերայ. ուր և հնազանդեցան նմա երկիրն ամենայն: Եւ յետ սակաւ աւուրց եկն Թաթրի խանն բազում զօրօք, զոր ոմանք ասէին եթէ 80,000, հրամանաւ պիղծ և անհաւատ ? քարին, և կամէր պատերազմել ընդ նոսա: Իսկ սքքա, այսինքն է Քանցլէր և ամենայն զօրքն իւր զինեցան և քաջացան, պատրաստեցան աստուածային օգնականութեամբ. մարտեան ընդ նոսա և կոտորեցին զնոսա ոչ բազում ինչ, այլ իբրեւ չորս հինգ հազար: Իբրեւ ետես պիղծ և անհաւատ Թաթրի խանն որ յաղթեցաւ, յետս չոգաւ. և սկսաւ հրեշտակութիւն առաքել զի հաշտեցի ընդ նմա. զոր և քանցլէրն հաւանեալ՝ հրամայեաց Թաթրի խանին զի եկեացէ առ նա, և դէմ յանդիման խօսեցի ընդ նմա. զոր եկեալ մեծաւ երկիւղիւ և զողութեամբ՝ խաղաղութիւն հաստատեց, և երդուաւ. ուխտ և դաշինք եղին ընդ միմեանս, զի մի այս Իլախի երկիր սուր չքաջէ և ոչ աւիրէ, որպէս յառաջագոյն հանապազ եկեալ աւար առնէին և զերի վարէին, հրձիգ առնէին: Յետ այսորիկ զարձաւ և գնաց. և քանցլէր եկն յաշխարհն իւր: Բայց է այս մեծ և զարմանալի սքան.